

Փաստ. անվանումը	ԵՄՀ արտոնությունների սահմանման և ուսանողների կրթաթոշակների տրամադրմա կարգ
Փաստ. N	ԵՄՀ/ԸԿ-ԿԳ-23-01
Հաստատման ամսաթիվը	02/11/2009
Արձանագրության N	
Հաստատող մարմինը	Գիտական խորհուրդ
Մշակող	Մեթոդական խորհուրդ
Ներդրման/իրականացման պատասխանատու	Ուսումնամեթոդական և գիտական աշխատանքների գծով պրոռեկտոր



Փաստաթղթի փոփոխությունները

Ամսաթիվ	Կատարված փոփոխություն	Անուն, ազգանուն, պաշտոն, Ստորագրություն
12/12/2014	Կարգը փոխվել է մասնակիորեն	Մուրեն Օհանյան, Գիտական խորհրդի նախագահ 
09/02/2015	Կարգը փոխվել է մասնակիորեն	Մուրեն Օհանյան, Գիտական խորհրդի նախագահ 
06/02/2018	Կարգը փոխվել է մասնակիորեն	Մուրեն Օհանյան, Գիտական խորհրդի նախագահ 



1. Եվրասիա միջազգային համալսարանի ուսանողի արտոնությունների սահմանման և ուսանողական կրթաթոշակների տրամադրման կարգը սահմանվում է Եվրասիա միջազգային համալսարանի կանոնադրությամբ և սույն կարգով:
2. Ուսանողական կրթաթոշակների տրամադրումը Եվրասիա միջազգային համալսարանի բյուջեի ծախսային մասում նախատեսված ֆինանսական միջոցների, ինչպես նաև ՀՀ օրենսդրությամբ չարգելված այլ աղբյուրների հաշվին ուսանողական կրթաթոշակների տրամադրումն է: Ուսանողական կրթաթոշակը ֆինանսական օժանդակություն է բարձր ՄՈԳ ունեցող, գերազանց և լավ առաջադիմություն ցուցաբերած, պատշաճ վարքագիծ դրսևորած ուսանողներին ֆինանսական խրախուսանքի ձևով:
3. Ըստ մասնագիտությունների Համալսարանի կողմից հատկացված ուսանողական կրթաթոշակների քանակը փոփոխական է և կախված է բարձր առաջադիմություն ցուցաբերած ուսանողների ընդհանուր թվից:
4. Առաջին կուրսի ուսանողները, Ուսանողական կրթաթոշակի իրավունքից կարող են օգտվել միայն ուսումնառության 2-րդ կիսամյակից: Ըստ առաջադիմության միջին ցուցանիշի ձևավորվում է տվյալ կուրսի տվյալ մասնագիտության ուսանողների ցուցակը:
5. Ցուցակը ամբիոնի վարիչի կողմից ներկայացվում է ուսումնամեթոդական և գիտական աշխատանքների գծով պրոռեկտորին: Բոլոր մասնագիտությունների ուսանողների ցուցակը ամբողջացվում է, ըստ առաջադիմության, և իրականացնում է մրցույթ: Մրցույթի արդյունքների հիման վրա կազմվում է կրթաթոշակից օգտվող ուսանողների ցուցակը, որը պարտադիր վավերացվում է պրոռեկտորի կողմից:
6. Համալսարանի ուսումնամեթոդական և գիտական աշխատանքների գծով պրոռեկտորի կողմից հաստատված ցուցակները հրամանագրվում են Եվրասիա միջազգային համալսարանի ռեկտորի կողմից և տեղեկացվում ուսանողներին հրապարակման ճանապարհով, փակցվում է ցուցատախտակին: Հրամանում պարտադիր նշվում է կրթաթոշակի տրման ժամկետը աշնանային կիսամյակի համար տվյալ տարվա սեպտեմբերի 1-ից մինչև հաջորդ տարվա հունվարի 31-ը և գարնանային կիսամյակի համար փետրվարի 1-ից մինչև հուլիսի 31-ը: Ցուցակների վերաբերյալ բողոք-դիմումները կարող են ներկայացվել համալսարանի ուսումնամեթոդական և գիտական աշխատանքների գծով պրոռեկտորին ցուցակների հրապարակումից հետո եռօրյա ժամկետում:
7. Ցուցակներում անձշտություններ, վրիպումներ, սխալներ, ինչպես նաև ցուցակների կազմման ընթացակարգի այլ խախտումներ հայտնաբերելիս համալսարանի

ռեկտորը իրավասու է տվյալ մասնագիտության ուսանողների ցուցակը հետ վերադարձնել տվյալ ամբիոնի նոր մրցույթի կազմակերպման պահանջով:

8. Եվրասիա միջազգային համալսարանը սահմանում է հետևյալ կրթաթոշակները:

- 8.1. «Օհանյան» կրթաթոշակ,
- 8.2. «Եվրասիա» կրթաթոշակ,
- 8.3. «Դասավանդման» կրթաթոշակ,
- 8.4. «Հետազոտական» կրթաթոշակ:

8.1.1. **«Օհանյան» կրթաթոշակը** տրվում է **բակալավրիատի** ուսանողների 5%-ին, որոնք ունեն ամենաբարձր ՄՈԳ-ը /նվազագույն ՄՈԳ-ը սահմանվում է 3.5 միավոր/: Այս կրթաթոշակը կազմում է ուսանողների մեկ կիսամյակի վարձի 10-100%-ը:

8.1.2. Ուսանողներին, ովքեր շահում են այս կրթաթոշակը, առաջարկվում է աշխատել ԵՄՀ-ում շաբաթական 1-10 ժամ: ԵՄՀ-ի բոլոր ուսանողներն իրավունք ունեն շահել այս կրթաթոշակը: Նրանք գնահատվում են ըստ ՄՈԳ-ի:

Կրթաթոշակի չափը, պարգևատրվող ուսանողների թիվը և նրանց համար սահմանված աշխատանքի տևողությունը՝

Կրթաթոշակի կարգը	Կրթաթոշակի չափը ըստ ուսման վարձի	Պարգևատրվում է ուսանողների թվի	Աշխատանքի տևողությունը /շաբաթական ծանրաբեռնվածությունը/
I	100%	ամենաշատը 0.5%	10 ժամ
II	90%	հաջորդ 0.5 %	9 ժամ
III	80%	հաջորդ 0.5 %	8 ժամ
IV	70%	հաջորդ 0.5 %	7 ժամ
V	60%	հաջորդ 0.5 %	6 ժամ
VI	50%	հաջորդ 0.5 %	5 ժամ
VII	40%	հաջորդ 0.5 %	4 ժամ
VIII	30%	հաջորդ 0.5 %	3 ժամ
IX	20%	հաջորդ 0.5 %	2 ժամ
X	10%	հաջորդ 0.5 %	1 ժամ

«Օհանյան» կրթաթոշակը տրամադրվում է սկսած 2-րդ կիսամյակից (առաջին կիսամյակի արդյունքների հիման վրա) մինչև ուսումնառության յոթերորդ կիսամյակ: Ավարտական կուրսում /յոթերորդ և ութերորդ կիսամյակներում/ ուսանողներին կրթաթոշակ չի տրամադրվում:

Կրթաթոշակի մասին որոշումները հայտարարվում են յուրաքանչյուր կիսամյակի սկզբում և ուժի մեջ են մինչև այդ կիսամյակի ավարտը:

8.2.1. **«Եվրասիա» կրթաթոշակը** տրամադրվում է մագիստրատուրայի ուսանողներին՝ խրախուսելով հետազոտական աշխատանքը: **«Եվրասիա»** կրթաթոշակը տրվում է

մագիստրատուրայի այն ուսանողներին, ովքեր ուսումնառության ընթացքում մասնակցել են գիտաժողովների և ունեցել են հրապարակումներ Եվրասիա միջազգային համալսարանի պարբերականում կամ ՀՀ-ում գրախոսվող մասնագիտական ամսագրերում: Կրթաթոշակը կազմում է մեկ կիսամյակի ուսման վարձի 10-50%-ը: Այն հատկացվում է ուսանողների 3%-ին:

8.2.2. Մագիստրատուրայի ուսանողներին, որոնք շահում են այս կրթաթոշակը, առաջարկվում է աշխատել ԵՄՀ-ում շաբաթական 2-20 ժամ:

Կրթաթոշակի չափը, պարգևատրվող ուսանողների թիվը և նրանց համար սահմանված աշխատանքի տևողությունը՝

Կրթաթոշակի կարգը	Կրթաթոշակի չափը ըստ ուսման վարձի	Պարգևատրվում է ուսանողների թվի	Աշխատանքի տևողությունը /շաբաթական ծանրաբեռնվածությունը/
I	100%	ամենաշատը 0.5%	20 ժամ
II	90%	հաջորդ 0.5 %	18 ժամ
III	80%	հաջորդ 0.5 %	16 ժամ
IV	70%	հաջորդ 0.5 %	14 ժամ
V	60%	հաջորդ 0.5 %	12 ժամ
VI	50%	հաջորդ 0.5 %	10 ժամ
VII	40%	հաջորդ 0.5 %	8 ժամ
VIII	30%	հաջորդ 0.5 %	6 ժամ
IX	20%	հաջորդ 0.5 %	4 ժամ
X	10%	հաջորդ 0.5 %	2 ժամ

8.2.3. «Եվրասիա» կրթաթոշակի մասին որոշումները հայտարարվում են յուրաքանչյուր կիսամյակի սկզբում և ուժի մեջ են մնում մինչև դրա ավարտը:

8.3.1. **«Դասավանդման» կրթաթոշակ՝** հատկացվում է ուսանողին, որպես դասախոսի օգնական ներգրավելով դասավանդման ընթացակարգի մեջ: «Դասավանդման» կրթաթոշակ չի տրվում այն ուսանողներին, որոնք շահել են «Հետազոտության», «Եվրասիա» կամ «Օհանյան» կրթաթոշակները:

8.4.1. **«Հետազոտական» կրթաթոշակը** շնորհվում է Միջազգային կապերի և հետազոտությունների կենտրոնի կողմից: Այն տրվում է այն ուսանողներին, ովքեր ցուցաբերել են գիտահետազոտական աշխատանքներ կատարելու մեջ հմտություններ ու կարողություններ և պատրաստվում են մասնակցել Համալսարանի հետազոտական ծրագրերի շրջանակներում կատարվող աշխատանքներին: Կրթաթոշակը տրամադրվում է ուսանողին՝ հետազոտական ծրագրի ժամանակահատվածում ուսման վարձի 5%-ի չափով: Կրթաթոշակի արժանացած ուսանողները ստանում են նախապատվություն միջազգային

փոխանակման ծրագրերին մասնակցելու համար: Այն չի կարող տրվել ուսանողներին, ովքեր շահել են վերը նշված կրթաթոշակներից որևէ մեկը: Հետազոտության արդյունքում ստացվելիք կրթաթոշակի մասին տեղեկությունները հաղորդվում են յուրաքանչյուր կիսամյակի սկզբում, և պայմանագիր է ստորագրվում հետազոտողի ու ուսանողի միջև:

9. Ուսանողների պատշաճ վարքագիծը դրսևորվում է նրանց կողմից համալսարանի ներքին կարգապահական կանոնները խստիվ պահպանելու մեջ, և նշված կանոնների խախտման համար ռեկտորի, պրոռեկտորի կամ ամբիոնի վարիչների կողմից տրված նկատողության հրամանները կարող են հիմք ծառայել կրթաթոշակ չհատկացնելու համար: